



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 16-01-05-23146-98/19 KM
Sarajevo, 14.11.2019. god.

SKUPŠTINA KANTONA SARAJEVO
SARAJEVO

PREDMET: Odgovor na „Zastupnička inicijativa“

U prilogu dopisa dostavljamo Vam odgovor na postavljenu zastupničku inicijativu na 9. Radnoj sjednici Skupštine Kantona Sarajevo održanoj dana 19.06.2019. godine, a od strane zastupnice Danijele Kristić.

Inicijativa:

"Ovim putem podnosim inicijativu za postavljanje tri klupe u naselju Otes, jednu na stajalištu koje vodi prema Blažuju i Mostarskom raskršću, te na svim ostalim mjestima gdje nedostaju, a koja su u nadležnosti Kantona. Molim Vladu i nadležna resorna ministarstva da se izjasne o istoj. Obrazloženje:

Navedena stajališta koriste radnici koji čekaju prevoz prema Industrijskoj zoni koja se nalazi na putu prema Hadžićima, te su ljudi primorani da sjede po kartonima i gajbama, što stvara veoma ružnu sliku glavnog grada, te se na tim mjestima nakuplja smeće što čini dodatni problem."

Odgovor :

Članom 16. Pravilnika o minimalnim tehničkim uvjetima za izgradnju i upotrebu autobusnih stajališta ("Službene novine Federacije BiH", broj 69/10) propisano je: da lokaciju autobusnih stajališta uslovljavaju potrebe javnog prijevoza.

Postupak za utvrđivanje lokacije autobusnog stajališta na javnoj cesti pokreće se podnošenjem zahtjeva koji treba sadržavati slijedeću analizu:

- prijevozne potrebe putnika;
- linije javnog prijevoza u cjelini te postojećeg rasporeda autobusnih stajališta;
- tehničke elemente javne ceste;
- prosječni godišnji promet;
- nivo sigurnosti prometa;
- odstupanje od postojećeg nivoa prometne usluge na prometnom pravcu javne ceste ako se izgradi odnosno smjesti novo autobusno stajalište.

Zahtjev može podnijeti nadležni općinski organ uz saglasnost nadležnog ministarstva unutrašnjih poslova na čijem se području želi graditi autobusno stajalište.



Podnosilac zahtjeva je dužan uz zahtjev dostaviti projekat autobusnog stajališta, dati rješenje pristupa korisnika do stajališta.

Članom 14. Pravilnika propisano je: autobusko stajalište može se opremiti natkrivenim prostorom za putnike-čekaonicom.

Podnosilac zahtjeva snosi troškove nabavke, postavljanja i održavanja nadstrešnice, klupa i korpi za otpatke.

Članom 15. Pravilnika propisano je: postupak za utvrđivanje lokacije autobuskih stajališta provodi za magistralne ceste JP Ceste Federacije BiH, za regionalne ceste javne kantonalne ustanove za ceste, a za lokalne ceste nadležni općinski organi.

Članom 19. Pravilnika propisano je: Ako se u postupku utvrdi opravdanost izgradnje odnosno smještanja autobusnog stajališta na traženoj lokaciji, Ceste FBiH, odnosno nadležna kantonalna ustanova ili općinski organ u skladu sa finansijskim mogućnostima uvrstit će utvrđenu potrebu u godišnje planove građenja i održavanje javnih cesta.

Utvrdene potrebe moraju biti usklađene s Programom građenja i održavanja javnih cesta.

Ako za izgradnju odnosno smještanje novih autobuskih stajališta nisu predviđena potrebna sredstva u Programu građenja i održavanja javnih cesta, troškove njihovog projektovanja i izgradnje odnosno smještanja snosi općina na čijem području se stajalište gradi.

Tako izgrađena autobuska stajališta postat će nakon izgradnje, odnosno smještanja, sastavni dio javne ceste.

Inicijativa će se dostaviti Općini Ilidža i Direkciji za ceste Kantona Sarajevo na nadležno postupanje.

S poštovanjem,

Dostaviti:

- Skupština Kantona Sarajevo
- Vlada Kantona Sarajevo
- evidencija
- arhiva

Predmet obradio: Muamer Kukan

MINISTAR

Adnan Šteta



web: <http://ms.ks.gov.ba>
e-mail: ms@ms.ks.gov.ba
Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1

